

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

EKONOMIA GARAPENAREN ETA JASANGARRITASUNAREN SAILA

751/2025 Erabakia, abenduaren 9koa, Foru Gobernu Kontseiluarena. Onespena ematea Araban berrikuntza eta deskarbonizazioa sustatzeko laguntzen 2026ko ekitaldirako deialdiari (Araba Innova - Descarboniza)

Arabako Lurralde Historikoak askotariko enpresa eta ekonomia sarea du, hainbat sektore ekonomikotan ardatzuak, baina industriak garrantzi erlatibo oso handia du; hain zuzen, gure lurralde historikoa Euskadiko lurralde industrialentzat hartzen da, industriak emandako balio erantsi gordinaren datuek erakusten duten bezala.

Jarduera ekonomikoaren egitura hori funtsezkoa da kalitatezko enplegua sortzeko eta, horrenbestez, gizarte kohesioa eta bizi kalitatea lortzeko arabarrentzat. Horregatik, politika publikoen funtsezko zati bat lurraldeko hazkunde ekonomikoari laguntzera bideratu behar da, enpresa eta ekoizpen egitura lehiakor, jasangarri eta berritzaile baten bidez.

Ildo horretan, berrikuntza sustatzeko politikak hazkunde ekonomikoa bizkortzeko eskuarki onartuta dauden jarduera publiko nagusien funtsezko zati dira; izan ere, munduko ekonomiako jokaleku berriak eskatzen dituen lehiakortasuna hobetzeko beharrei ematen zaien erantzuna dira.

Erabat onartuta dago berrikuntza lehiakortasunaren oinarrizko alderdietako bat dela; beraz, erakunde ugari, besteak beste, ELGAK, gobernu jardueraren osagai nagusi bihurtu du, eta lurralde eta toki eragileak bultzatzen ditu hura sustatzera eta, horretarako, haiek koordinatzen ditu. Era berean, Europar Batasunak, "Berrikuntzaren aldeko batasuna" ekimenaren harira, proposatzen dituen neurrien artean hauek nabarmentzen dira: bikaintasuna eta espezializazio adimenduna sustatu beharra; unibertsitatearen, ikerketa zentroen eta enpresen arteko lankidetzaren sendotzea; berrikuntza sistemaren emakumeek duten lekua hobetzea eta ezagutzaren arloko gastuei lehentasuna ematea.

Erakundeek apustu egin dute ingurumen jasangarritasunean eta karbono gutxiko euskal ekonomiaranzko trantsizioan aurrera egiteko, efizientzia energetikoa, ekonomia zirkularra, materialen erabilera eraginkorra eta ekoberrikuntza modu integralean txertatuz beren plan eta estrategia sektorialetan, eta lurraldeak konpromisoa hartzen du ahaleginak garapen jasangarrirako helburuekin (GJH) lerrotzeko erronka bere gain hartzeko, eta horrek guztiak lagundu egiten du giza garapen jasangarriaren erronka globalari irtenbideak ematen, lurralde ikuspegiarekin.

Gainera, gizarteak eta industriak digitalizazio-prozesuak abian jartzearen garrantzia, dagoneko ezaguna dena, argi eta garbi geratu zen agerian Covid-19ak eragindako egoeran. Arabako Foru Aldundiaren ustez, digitalizazioa funtsezko estrategia da Arabako enpresak garatzen ari diren berrikuntza-prozesuetan, eta bizkortu egin behar da egoera horri erantzuteko.

Horiek horrela, Arabako Foru Aldundiak uste du berrikuntzaren, digitalizazioaren eta deskarbonizazioaren alde egitea ezinbestekoa dela, Arabako ekonomia jasangarria izan dadin eta hazi dadin. Horregatik, ezinbestekotzat jotzen da jarduketa berritzaileak, digitalizaziokoak eta deskarbonizaziokoak babestea, herri administrazio guztiekin eta sistemako gainerako eragileekin lankidetzan jardunez eta elkarren osagarri izanik. Horretarako, konpromisoa hartu behar da toki eremuan bertan Arabako erakundeei laguntzeko, ekonomia eta gizarte gero eta globalizatuagoa ekarri duen XXI. mende honetako erronka, lehia eta aukerei aurre egin diezaien.

Euskadik RIS3 2030 Espezializazio Adimenduneko arloak definitu ditu, eta industria adimendunarekin, energia garbiagoarekin eta osasun pertsonalizatuarekin lotutako hiru lehentasun estrategiko identifikatu ditu. Lehentasun horiek, era berean, garrantzitsuak dira Arabako enpresentzat.

Lehen lehentasunari dagokionez (industria adimenduna), berrikuntza, garapen teknologikoa, eraldaketa digitala, jasangarritasuna eta talentua sustatu behar dira Arabako industriaren lehiakortasunerako palanka gisa.

Arabako enpresak aurrera egin du prozesuen automatizazioan eta hobekuntzan, soluzio malguak hartu ditu eta robotizazioko, fabrikazio gehigarriko edo makinaren eta ekipoen arteko konektibitateko teknologia txertatu ditu. Baina, aurrerapen horretan sakontzen jarraitzeaz gain, industria adimendunaren estrategiak berrikuntza eta fabrikazio teknologia jasangarriak eta digitalak sortzea eta aplikatzea proposatzen du, balio erantsi handiko produktuak eta zerbitzuak sortzeko eta negozio eredu berriak garatzeko, eragin handia dutenak aberastasunari, enpleguari eta ingurumen inpaktua minimizatzeari dagokienez. Horrek barnean hartzen du produktuak eta prozesuak bizi zikloaren ikuspegitik diseinatzea, material eta prozesu jasangarriak erabiltzea eta soluzio digitalak eta teknologia kuantikoak aplikatzea funtzionaltasuna, eraginkortasuna eta/edo erabilera esperientzia hobetzeko eta/edo datua ustiatuz balioa emateko; eta, horretan guztian, adimen artifizialak aplikazio ahalmen handia dauka.

Gizartea eta industria digitalizatzeko erronkak dakartza, esaterako hauexek: lankidetzaren bidezko diseinua, malgutasuna eta eraginkortasuna fabrikazioan, ekoizpen sortak eta denbora murriztea, eredu logistiko adimendunak sortzea, kanalak eraldatzea, bezeroaren premiak aurreikustea, hiperkonektagarritasuna, trazabilitate dimentsioaniztuna, espezializazioa, baliozko industria ekosistemak sortzea, jasangarritasuna eta produktua pertsonalizatzea. Digitalizatzeko prozesu horren ondorioz, beharrezkoa izango da hedatzea zibersegurtasuneko teknologia sartzea.

Bestalde, datozen urteetarako Arabako energia kontsumoaren eta emisioen agertokiek erakusten dute konponbide jasangarriak azkarrago hartu behar direla. Petrolioaren deribatuen kontsumoak garraioan eta industrian duen goranzko joera eta energia berriztagarrien kontsumoaren murrizketa erronka dira, eta epe labur eta ertainean neurri zehatzekin eta planifikatuekin heldu behar zaie.

Ondorioz, Arabako Foru Aldundiak, berrikuntzak, digitalizazioak eta deskarbonizazioak Arabako Lurralde Historikoa garatzeko eta Arabako ekoizpen sarea modernizatzeko eta lehiakortasuna hobetzeko duten garrantziaz jabetuta, erabaki du erakundeei laguntzea jarduera berritzaileak, teknologia digitalak gehiago erabiltzeko eta karbono gutxiko ekonomia lortzeko jarduketak egiten badituzte.

Horretarako, Foru Gobernuaren Kontseiluaren abenduaren 10eko 54/2019 Foru Dekretuaren bidez onartutako oinarri arautzaileen esparruan, eta publizitatearen, lehiaren, objektibotasunaren eta berdintasunaren eta diskriminaziorik ezaren printzipioak ahalik eta gehien zabaltzeko eta behar bezala jakinarazteko, erabaki honen bidez, Araban berrikuntza, digitalizazioa eta deskarbonizazioa sustatzeko laguntzen nahitaezko deialdia ezartzen da (Araba Innova-Deskarbonizatu).

Horregatik, Ekonomia Garapenaren eta Jasangarritasunaren Saileko foru diputatuaren proposamenez, Foru Gobernu Kontseiluak gaur egindako bilkuran gaia azertu ondoren, honako hau

ERABAKITZEN DUT

Lehenengoa. Onestea Araban berrikuntza eta deskarbonizazioa sustatzeko laguntzen 2026ko ekitaldirako deialdi publikoa (Alava Innova - Deskarbonizatu), erabaki honi erantsita doana.

Bigarrena. Deialdia honako hauek arautuko dute: batetik, Diputatuen Kontseilu Forala abenduaren 10eko 54/2019 Foru Dekretua, lehiaketa bidez emango diren dirulaguntzak arautuko dituzten oinarri orokorrak onesten dituena, eta erabaki honen eranskinetan xedatutakoa.

Hirugarrena. Erabaki honen bidez araututako diru laguntzak aurrekontu partida hauen kontura ordainduko dira:

– “15101. G/433152/77000171 Araba Innova–Deskarbonizatu: Enpresak 2026” 2026rako indarrean dagoen Arabako Foru Aldundiaren aurrekontu antolamenduaren partida, 990.000,00 eurokoa, eta 2027ko konpromiso kredituarena, 990.000,00 eurokoa.

– “15101. G/433152/78100175 Araba Innova–Deskarbonizatu: Elkarteak 2026” 2026rako indarrean dagoen Arabako Foru Aldundiaren aurrekontu antolamenduaren partida, 10.000,00 eurokoa, eta 2027ko konpromiso kredituarena, 10.000,00 eurokoa.

Oinarri orokorren 7.2. oinarria betez (Diputatuen Kontseilu Foralaren abenduaren 10eko 54/2019 Foru Dekretuaren bidez onartutakoa), saileko diputatu titularrari ahalmena ematen zaio aurrekontuko partida bakoitzari esleitutako funtsak birbanatzeko, Balorazio Batzordeak hala proposatuta. Horretarako, ebazpena emango du, betiere deialdiaren aurrekontu osoa errespetatuz.

Deialdiaren funtzionamendu egokia bermatzeko, gehieneko zenbateko guztiaren ehuneko 30 erainoko kopuru gehigarria ezarri da, Arabako Lurralde Historikoaren Dirulaguntzen urriaren 19ko 11/2016 Foru Arauko 21.2. artikuluan ezarritakoaren arabera.

Laugarrena. Erabaki hau ALHAOn argitaratuko da eta 2026ko urtarrilaren 1etik aurrera eraginak sortuko ditu.

Bosgarrena. Deialdiaren behin betiko ebazpena eten dezakeen baldintza gisa, kreditu egokia eta nahikoa izan behar da Arabako Foru Aldundiaren 2026ko eta 2027ko aurrekontuan.

Seigarrena. Ebazpen honen bitartez administrazio bidea bukatuko da eta, Administrazio Publikoen Administrazio Prozedura Erkidearen urriaren 1eko 39/2015 Legearen 123. artikuluekin bat etorriz, berraztertze aukerazko errekurtsoa jarri ahal izango da Foru Gobernu Kontseiluan ebazpena argitaratu ondorengo egunetik hasita hilabeteko epean, edo zuzenean aurkaratu ahal izango da administrazioarekiko auzien jurisdikzioan argitaratu eta hurrengo egunetik aurrera zenbatzen hasita bi hilabeteko epean eskumenak dituen jurisdikzioan.

Vitoria-Gasteiz, 2025eko abenduaren 9a

Ekonomia Garapenaren eta Jasangarritasunaren Saileko foru diputatua
SARAY ZÁRATE FERNÁNDEZ DE LANDA

Ekonomia Garapenaren eta Berrikuntzaren zuzendaria
ANDER LARRINAGA SAIZ

ERANSKINA

ARABAN BERRIKUNTZA ETA DESKARBONIZAZIOA SUSTATZEKO LAGUNTZEN 2026KO EKITALDIRAKO DEIALDIA (ARABA INNOVA - DESKARBONIZATU)

1. artikulua. Xedea

Deialdi honen xede da Araban berrikuntza, digitalizazioa eta deskarbonizazioa sustatzea, lehiakortasun araubideko dirulaguntzak emanez, Arabako produkzio sarearen modernizazio ekonomikoa eta lehiakortasun eta trantsizio jasangarria hobetzen laguntzen duten jarduerak egiten dituzten erakundeei.

Laguntza programa hau enpresen lehiakortasuna hobetuko duten ekintzak sustatzeko diseinatu da, fabrikazio aurreratuko teknologiak (Industria 4.0), teknologia digitalen ezarpena eta erabilera, produktuen dibertsifikazioa, prozesuak eta/edo merkatuak, eta enpresa antolaketa hobea sartzera bideratutako jarduera berritzaileei lagunduz, eta Arabako industriaren deskarbonizazio prozesuei lagunduz.

2. artikulua. Aurrekontu partidak eta gehieneko zenbateko osoa

Erabaki honen bidez arautzen diren diru-laguntzak partida hauen kargura ordainduko dira:

- 2026rako indarrean dagoen Arabako Foru Aldundiaren aurrekontu antolamenduaren “Araba Innova-Deskarbonizatu: Enpresak 2026” partida, 990.000,00 eurokoa, eta 2027ko konpromiso kredituarena, 990.000,00 eurokoa.
- 2026rako indarrean dagoen Arabako Foru Aldundiaren aurrekontu antolamenduaren “Araba Innova-Deskarbonizatu: Elkarateak 2026” partida, 10.000,00 eurokoa, eta 2027ko konpromiso kredituarena, 10.000,00 eurokoa.

Deialdiaren behin betiko ebazpena Arabako Foru Aldundiaren 2026ko eta 2027ko aurrekontuan kreditu egokia eta nahikoa egotearen mende egongo da.

Oinarri orokorren 7.2. oinarria betez (Diputatuen Kontseilu Foralaren abenduaren 10eko 54/2019 Foru Dekretuaren bidez onartutakoa), saileko diputatu titularrari ahalmena ematen zaio aurrekontuko partida bakoitzari esleitutako funtsak birbanatzeko, Balorazio Batzordeak hala proposatuta. Horretarako, ebazpena emango du, betiere deialdiaren aurrekontu osoa errespetatuz.

Deialdiaren funtzionamendu egokia bermatzeko, gehieneko zenbateko guztiaren ehuneko 30erainoko kopuru gehigarria ezarri da, Arabako Lurralde Historikoaren Dirulaguntzen urriaren 19ko 11/2016 Foru Arauko 21.2. artikuluan ezarritakoaren arabera.

3. artikulua. Erakunde onuradunak

3.1. Deialdi honetan jasotzen diren onurak eskuratu ditzakete:

– Egoitza soziala eta zerga egoitza Arabako Lurralde Historikoan duten enpresek, beren osaera juridikoa edozein dela ere, edo, gutxienez, jarduera zentro bat Arabako Lurralde Historikoan daukatenez eta eskaera egiteko unean zentro horri atxikitako langileak dituztenek. Enpresa sortu edo jarduera hasi zenetik eskaera egiten den egunera arte gutxienez urtebete igaro behar da. Lehenago beste izen edo forma juridiko baten pean jarduera bera egiten bazuten, haien hasierako eraketa data hartuko da kontuan haien antzintasuna zenbatzeko. Salbuespen gisa, kontratatutako langilerik ez duten enpresak onartu ahal izango dira, proiektuaren eta enpresaren izaerak hala justifikatzen duenean.

Deialdi honen ondorioetarako, enpresa bat EET izango da 250 soldatapeko baino gutxiago badauka, haren urteko negozio bolumena 50 milioi eurotik gorakoa ez bada eta haren urteko balantzea 43 milioi eurotik gorakoa ez bada, dena itxitako azken kontabilitate ekitaldiaren gainean eta urteko oinarrian kalkulatuta.

Zerga egoitza Arabako Lurralde Historikoan duten autonomoak, baldin eta gutxienez urtebete igaro bada laguntzaren xede den jarduerari dagokion JEZeant alta eman zutenetik laguntza eskaera aurkezten duten egunera arte.

– Arabako Lurralde Historikoan jarduera zentroa duten zentro teknologikoak edota ikerketa zentroak, Araban irakaskuntza unitatea duten unibertsitateak eta Araban helbide soziala eta fiskala dauzkaten fundazioak eta enpresa elkarateak eta I+Gko enpresa unitateak, haiek denak gutxienez bi urteko antzintasuna izanik.

3.2 Diru laguntzen onuradun izateko, legezko gainerako betekizunak betetzeaz gain, erakundeek egunean izan beharko dituzte Ogasunarekiko zerga betebeharrak eta Gizarte Segurantzarekikoak, bai diru laguntza emateko ebazpenaren aurretik, bai diru laguntza jasotzeko unean.

Erakunde onuradunak Gizarte Segurantzako inolako erregimenetan kotizaziorako kontu koderik esleituta ez badu, enpresako bazkide guztiek Gizarte Segurantzarekin egunean egon beharko dute.

3.3. Ezin dira onuradun izan sozietate publikoak, ezta erakunde administrazioarenak diren be-rezko nortasun juridikoko erakundeak ere, Araban irakaskuntza unitateren bat duten ikastetxeak (goiko 3.1. puntuan aipatutakoak) eta ureztatzaileen elkarateak izan ezik.

3.4. Ekonomia Garapenaren eta Jasangarritasunaren Sailak Ekonomia Garapenaren eta Berrikuntzaren Zuzendaritzaren bidez dirulaguntza izenduna ematen dien erakundeak ere ez dira onuradun izango.

3.5. Halaber, kanpoan geratzen dira ezarritako epearen barruan laguntza lerro honen aurreko deialdietan diruz lagundutako jarduerak egin eta ordaindu izana frogatu ez duten erakunde eskatzaileak, Ekonomia Garapenaren eta Berrikuntzaren Zerbitzuaren iritziz haiek ez egiteko arrazoiak behar beste argudiatu balira izan ezik.

4. artikulua. Jarduera berritzaileak, diruz lagundu daitezkeen gastuak eta diruz lagundu ezin direnak

4.1. Hurrengo jarduketa berritzaile hauen barruan kokatutako jarduketak diruz lagundu ahalko dira:

— Teknologia digitalak sartzeko eta produktu, zerbitzu eta/edo prozesuetan berritzeko laguntzak: digitalizazioa eta dibertsifikazioa:

- Teknologia digitalen erabilera intentsiboa sartzea enpresen prozesu guztietan, hala nola automatizazioa, urrutiko monitorizazioa, telelaguntza, telelana, zibersegurtasuna, big data, fabrikazio gehigarria eta 3D inprimaketa, robotika laguntzaile eta malgua, adimen artifiziala, errealitate areagotua eta errealitate birtuala, cloud plataformak, sistema ziberfisikoak edo gauzen Internet eta teknologia kuantikoen erabilera. Apartatu hau ondorengoetatik bereizi da, digitalizazioak eta industria adimendunak Arabako ekonomiarentzat garrantzi estrategikoa dutelako.

- Produktua edo zerbitzua: merkatuan sartzeko produktu edo zerbitzu berriak edo dauden produktuen nabarmenki hobetuta, produktuen katalogoan sar daitezkeen eta merkatura irteteko edo salgai jartzeko asmoz.

- Prozesua: ondasunak eta zerbitzuak ekoizteko prozesuak, banaketa eta logistika prozesuak, marketin eta salmenta prozesuak, informazio eta komunikazio sistemen prozesuak, administrazio eta kudeaketa prozesuak eta berriak diren edo berrikuntza esanguratsua dakarten produktuak eta negozioak garatzeko prozesuak.

- Beste batzuk: Arestiko puntuetan sartu ez diren beste jarduera batzuk biltzen ditu, hala nola trantsizio ekologikoaren eta deskarbonizazioaren aldeko neurri gisa, korporazioaren gizarte erantzukizunaren eta abarren aldeko neurriak, erakunde eskatzaileak garatu eta berarentzat berritzaileak badira; kasu horretan, berritzaileak direla eta produktibitatea eta lehiakortasuna handitzen egingo duten ekarpena argudiatu beharko du.

— Karbono gutxiko ekonomiarako trantsiziorako laguntzak: deskarbonizazioa:

- Erakunde eskatzaileak trantsizio ekologikoaren eta enpresa deskarbonizazioaren alde garatutako jarduerak hartzen ditu barnean, honako hauek ardatz hartuta: energia kontsumoa murriztea, klima arriskuak arintzea eta horietara egokitzea, energia berriztagarriak nagusi diren mix energetiko bateranzko bilakaera, produktu, zerbitzu edo prozesu berde berriak sortzea (ekodiseinua), karbono aztarna murriztea eta konpentsatzea, etab.

4.2. Erakunde eskatzaileak aipatutako jardueraren bat kontratatzean sortutako kanpo-gastuak diruz lagundu ahal izango dira, eta behar besteko gaitasuna duten hornitzaileek egin beharko dituzte. Arabako enpresen digitalizazioa babestu eta sustatzeko helburuarekin bat etorritik, eta deialdi honen ondorioetarako, Ekonomiaren Garapen eta Berrikuntza Zerbitzuak softwarea eta ERP edo antzekoak erostea eta lizentzia informatikoak kanpo-gastutzat hartuko ditu.

4.3. Ehun langile edo gutxiagoko enpresentzat, ibilgetu materialeko inbertsioak diruz lagundu ahal izango dira, Kontabilitate Plan Orokorraren kategoria hauen barruan:

— 213 Makinak.

Ibilgetuan inbertsioak egin badira leasing bidez, interesik, gasturik eta BEZik gabeko kuotetarako emango da dirulaguntza, deialdian jasotako burutzapen epeen barruan.

Ibilgetu inbertsioak diruz laguntzekoak izateko, enpresaren lehia posizioa nabarmenki hobetu behar dute eta teknologikoki aurreratuak izan, eta haien helburu diren ondasunek baldintza hauek bete behar dituzte:

- Lehendabizikoz erabiltzen edo funtzionatzen hastea.
- Inbertsioa Arabako jarduera ekonomikoko zentro batean kokatzea.
- Gutxienez bost urtez egotea enpresaren aktiboan, fakturaren egunetik aurrera.
- Hirugarrenei alokatu edo laga gabe egotea, ordainik edo ordainik gabe.
- Enpresa eskatzaileak berak fabrikatuak ez izatea.

Positiboki baloratuko da, bai ibilgetuan egindako inbertsioetan, bai barne gastuetan, baldin eta deialdi honetan diruz lagun daitekeen kanpoko gastu bati lotuta badaude.

4.4. Halaber, dirulaguntza jaso dezakete deialdi honetara aurkeztutako berrikuntza jardueraren baten diseinu, garapen eta gauzapen, lotutako enpresetako I+G+b unitateetako lan kontratadun langileen barne gastuak (ikertzaileak eta/edo teknikariak eta/edo sortzaileak), betiere 5. artikuluko baldintzak betetzen badituzte. Eskaera bakoitzeko gehienez 4 pertsona onartuko dira.

4.5. Arau orokor gisa, gastu hauek ez dira diruz laguntzekoak izango:

- Erakunde kontratatzailearen eta kontratatuaren artean lotura dutenak.
 - Web orri estandarrak garatzea.
 - Materialen erosketak, baita material horiek prototipoen garapenerako beharrezkoak direnean ere.
 - Obra, eraikuntza eta instalazio lagungarriekin (elektrizitatea, girotzea, segurtasuna, etab.) lotutako gastuak.
 - Ingurumenaren gaineko azterlan edo proiektuak, baimenak lortzeko egiten badira, hala nola jarduera baimenak.
 - Ibilgailu alokatuen eta taxien gastuak, kilometro sariak, bidaiak, hotelak, otorduak, telefonoa.
 - Patenteen, homologazioen, utilitate modeloen eta marka komertzialen eskabiderako, emakidarako eta erregistrarako hasierako gastuak, salbu eta berrikuntzako proiektu global batean sartzen badira, 20.000 euroko gehieneko mugaraino.
 - Kanpoko prestakuntzako gastuak, aurkeztutako jarduera berritzaileei zuzenean lotutakoak izan ezik.
 - Publizitate gastuak, web posizionamenduko gastuak eta abar, berrikuntza proiektu orokor batean kokatzen ez badira behintzat, 20.000 euroko gastu mugarekin.
 - Gastu errepikakorrak, esaterako, aholkularitzakoak zein software lizentziak, web ostatatze gastuak, zerbitzari gastuak, etab.
 - Estatu mailako zein nazioarteko azoketan parte hartzeko edota bertaratzeko gastuak.
 - Balio erantsiaren gaineko zerga (BEZ) eta gainerako zeharkako zergak.
- 4.6. Ekonomia Garapenaren eta Berrikuntzaren Zerbitzuaren ustez, proiektuaren gastu aurrekontua gehiegizkoa dela jotzen bada, antzeko proiektuetako gastuen batez besteko kostuarekin alderatuta, gastu doitu eta proportzionatutzat jotzen denera murriztuko da diruz lagun daitekeen zenbatekoa.

4.7 Ekonomia Garapenaren eta Berrikuntzaren Zerbitzuaren iritziz erakunde esleitzzaileak proposatutako jardueraren batek laguntza deialdi honen helburuari egindako ekarpena nahikoa ez bada, baztertu edo murriztu ahal izango dira esleitu behar den dirulaguntza kalkulatzeko.

4.8 Baimenduta dago dirulaguntza jaso dezaketen kanpoko gastuen ehuneko 100eraino azpikontratatzea, Arabako Lurralde Historikoaren dirulaguntzei buruzko urriaren 19ko 11/2016 Foru Arauaren 27. artikuluan xedatutako baldintzak betez.

4.9. Diruz lagundu daitekeen elementuko gastu txikiena 100,00 euro (BEZa aparte) da, bai aurrekontua onartzean, bai fakturak justifikatzean. Salbuespenez, Ekonomia Garapenaren eta Berrikuntzaren Zerbitzuak zenbateko txikiagoko fakturak onartu ahal izango ditu baldin eta gastu motagatik behar bezala justifikatzen bada.

5. artikulua. Barruko gastuen baldintzak

5.1. Deialdi honen babesean dirulaguntza jaso dezaketen barne gastuek baldintza hauek bete beharko dituzte:

– Diruz lagundutako berrikuntza jarduketaren bati lotutako zereginak garatzeko zuzenduak izatea.

– Ikertzailea edo teknikaria edo sortzailea izatea, enpresetako bertako I+G+b unitateetakoak, prestakuntza akademiko eta kategoria profesional egokiarekin. I+G+b unitatea dagoela ulertuko da egituraren bat baldin badago erakundearen barruan, ez nahitaez organikoa, berezia edo espezifikoa. Salbuespenez, ikertzaileen eta/edo teknikarien eta/edo sortzaileen gastuak onartu ahal izango dira, nahiz eta erakundearen I+G+bko unitaterik ez egon, baldin eta instrukzio organoak komenigarritzat jotzen badu, proiektuaren izaeragatik eta eragin potentzialagatik.

– Gizarte Segurantzaren araubide orokorreko 1. kotizazio taldeko langilea izatea. Halaber, haien lan baldintzek erakundearen aplikatu beharreko hitzarmenean xedatutakoa bete beharko dute. Salbuespen gisa, Gizarte Segurantzako beste erregimen batzuetako I+G+B jardueretako langileen gastuak onartu ahal izango dira, proiektuaren eta enpresaren izaeragatik justifikatuta dagoenean.

– Arabako lantoki bateko langilea izatea.

6. artikulua. Jarduketak egiteko epea eta aplikazio eremua

6.1. Erakunde onuradunek Arabako Lurralde Historikoan ezarri beharko dituzte dirulaguntza jasotzen duten jarduketaren emaitzak edo bertan egin beharko dituzte jarduera horiek.

6.2. Dirulaguntza jaso dezakete 2025eko irailaren 1etik 2027ko irailaren 1era artean egiten diren jarduerak eragindako gastuek.

Deskargu ekonomikoan egozten diren fakturen data jarduerak egiteko epearen barruan egon behar da.

7. artikulua. Dirulaguntzen zenbatekoak eta mugak

7.1. Deialdi honetan jasotako laguntzak dirulaguntzen bitartez gauzatuko dira, onuradun motaren, gastu-inbertsioaren eta 10. artikulua araberako lortutako puntuazioaren araberako, gehieneko ehuneko hauei jarraituz:

	50-79 PUNTU BITARTEAN		80 PUNTU EDO GEHIAGO	
	≤100 PERTSONA	>100 PERTSONA	≤100 PERTSONA	>100 PERTSONA
Kanpoko gastuak		30		40
Barne gastuak		30		30
Inbertsioak	20		25	

Langileen barne gastuak: jarduketan aritzearen kostuaren ehuneko 30rainoko dirulaguntza izango du. Kalkulua egiteko, orduko 40 euroko ordu modulua erabiliko da, eta proiektuen balorazio batzordeak finkatuko ditu gehienez ere diruz lagun daitezkeen orduak.

7.2. Kanpoko gastuetarako dirulaguntzaren gehieneko muga 35.000,00 eurokoa da, erakunde onuradun eta deialdi bakoitzeko. Erakunde onuradunak aurkeztutako jarduketan balioespenean 80 puntu edo gehiagoko kalifikazioa jasotzen badu, muga hori 45.000,00 euroraino handituko da.

Softwarea eta ERP edo antzekoak erosteak eta lizentzia informatikoei 30.000,00 euroko dirulaguntza izango dute gehienez. Erakunde onuradunak 80 puntuko edo gehiagoko kalifikazioa badu, proiektu horien muga 35.000,00 eurokoa izango da.

Barruko gastuetan, gehieneko muga 20.000,00 euro izango da.

Ibilgetu materialeko inbertsioetan, 25.000,00 eurokoa izango da dirulaguntzaren gehieneko muga.

50.000,00 eurokoa izango da gehieneko muga dirulaguntzaren erakunde onuraduneko eta deialdiko. Erakunde onuradunak aurkeztutako jarduketan balioespenean 80 puntu edo gehiagoko kalifikazioa jasotzen badu, muga hori 60.000,00 euroraino handituko da.

Honekin batera dagoen taulan laburbiltzen dira dirulaguntza jaso dezaketen gastuengatik emango diren gehieneko dirulaguntzak:

	50-79 PUNTU BITARTEAN	80 PUNTU EDO GEHIAGO
Kanpoko gastua	35.000,00 €	45.000,00 €
Barruko gastua	20.000,00€	
Ibilgetu inbertsioak	25.000,00€	
Guztira, erakundeko	50.000,00 €	60.000,00 €

7.3. Jarduerak dirulaguntza jaso ahal izateko, onetsi behar den gutxieneko dirulaguntza zenbatekoa 1.500,00 euro da.

Ibilgetu materialeko inbertsioek dirulaguntza jasotzeko, horien kostua 10.000,00 euro edo gehiagokoa izan behar da.

7.4. Ikuspegi berritzailea karbono gutxiko ekonomiarako trantsiziora bideratuta duten eta 60 puntutik gorako puntuazioa lortzen duten jarduketek ehuneko 20ko dirulaguntza gehigarria jasoko dute, 7.2 artikuluan ezarritako mugak aplikatuta.

7.5. Dirulaguntzen muga osagarri hauek ezartzen dira:

– 10. artikuluan ezarritako gutxieneko puntuazioa gainditzen duten eta 55 puntu baino gutxiago lortzen dituzten proiektuek 12.000,00 euroko gehieneko dirulaguntza izango dute.

– Lanaldi osoko 2 enplegu baliokide baino gutxiagoko plantilla duten eta Arabari atxikita dauden erakundeen eskaerek, laguntza eskaera aurkeztu aurreko hamabi hilabetei dagozkienek, 15.000,00 euroko gehieneko dirulaguntza jasoko dute, salbu eta, proiektuaren izaeragatik eta eragin potentzialagatik, komenigarritzat jotzen badu instrukzio organoak muga hori ez aplikatzea.

7.6. Foru Gobernu Kontseiluaren abenduaren 10eko 54/2019 Foru Dekretuaren 7.4 artikulua aplikatuz, zeinak norgehiagoka bidez dirulaguntzak emateko oinarri arautzaileak onesten baititu, Balorazio Batzordeak muga gehigarriak ezarri ahal izango ditu diruz lagun daitekeen aurrekontuaren eta diru laguntzaren banakako zenbatekoa zehazteko.

8. artikulua. Jardunbidea bideratzeko eskumena duten organoak

8.1. Prozedura Ekonomia Garapenaren eta Berrikuntzaren Zerbitzuak bideratuko du.

8.2. Balorazio batzordea honela eratuta egongo da:

- Batzordeburua: Ekonomia Garapenaren eta Berrikuntzaren zuzendaria edo hark eskuordetzen duen pertsona.

- Batzordekidea: Ekonomia Garapenaren eta Berrikuntzaren Zerbitzuaren burua edo hark eskuordetzen duen pertsona.

- Idazkaria: Ekonomia Garapenaren eta Berrikuntzaren Zerbitzuko teknikari bat.

9. artikulua. Eskaerak aurkezteko epea eta modua

9.1. Eskaerak aurkezteko epea 2026ko urtarrilaren 1ean hasi eta 2026ko martxoaren 16an bukatuko da.

9.2. Administrazio Publikoen Administrazio Prozedura Erkidearen 39/2015 Legearen 14.2 artikulua betez, honako hauek telematikoki aurkeztera behartuta daude, egoitza elektronikoen berririazko izapidearen bidez <https://e-s.araba.eus>, pertsona juridikoak; nortasun juridikorik gabeko erakundeak; elkargoko kide izatea nahitaezkoa duen jarduera profesional batean dihardutenak, jarduera horretan egiten dituzten izapideetarako, eta administrazioarekiko harremana elektronikoki izatera behartuta dagoen interesdun bat ordezkatzeko dutenak.

Pertsona fisikoek aukeran izango dute eskabidea aurrez aurre egitea Arabako Foru Aldundiaren Erregistro Orokorrean (Probintzia Plaza 5, 01001 Vitoria-Gasteiz); Vitoria-Gasteizko, Guardiako eta Laudioko Ogasun bulegoetako erregistroan, edo Administrazio Publikoen Administrazio Prozedura Erkidearen urriaren 1eko 39/2015 Legearen 16.4 artikuluan jasotako gainerako erregistroetako edozeinetan. Eskabidea aurrez aurre aurkeztuz gero, eskaerak Arabako Foru Aldundiaren web orri instituzionalean eskuragarri dagoen eredura egokitu beharko dira <https://e-s.araba.eus>. Ereduri hori, halaber, Ekonomia Garapenaren eta Berrikuntzaren Zerbitzuan egongo da eskuragarri.

9.3. Egingo diren jarduketak jasotzen dituen eskaera baino ez da onartuko erakunde onuradun bakoitzeko. Nahiz eta ez dagoen mugarik erakunde eskatzaile bakoitzak aurkez dezakeen jarduketa kopururako, balorazio positiboa izango du konplexutasun handiagoko eta, beraz, aurrekontu, gauzatzeko epe eta langileen dedikazio handiagoko jarduketa gutxi aurkezteak.

9.4. Erakunde eskatzaileak inprimakia bete behar du eta informazio hau erantsi:

– Erakunde eskatzaileari eta aurkeztutako jarduketa multzoari buruz:

a) Erakundearen eta aurkeztutako berrikuntza jardueren deskripzio memoria, eskaera balioesteko erabiliko dena, deialdi honen 10. artikuluan xedatutako irizpideen arabera. Aurkeztutako berrikuntza jardueren memorian, honako hauek justifikatu beharko dira: kanpoko azpikontratazio gastuen beharra, I+G+B-ko barne langileen gastuak eta aurrekontuan jasotako ibilgetuko inbertsioak. Halaber, espedientean barne gastuak aurkezten badira, honako hauek azaldu beharko dira: I+G+b unitatea, egitura, haren deskribapena, helburuak, egindako jarduerak, etab.

b) Itxitako azken ekitaldian erregistratutako urteko kontuak, benetako titulartasunaren adierazpenarekin eta auditoretza txostenarekin, hala badagokio. Urteko kontuak egitera behartuta ez badago, justifikatzen duen kausaren frogagiria.

c) Plantilla Araban alta egoeran dagoela ziurtatzen duen agiria, laguntza eskaera aurkeztu zen egunari dagokiona, Gizarte Segurantzaren Diruzaintza Nagusiak emana.

d) Hala badagokio, INNOBIDEAK-Kudeabide programan parte hartzearen justifikazioa.

– Aurkeztutako jarduera bakoitzari buruz:

a) Kanpoko hornitzaileen 10.000,00 eurotik gorako eskaintzen fotokopia.

b) Aurkeztutako kanpo gasturen baten aurrekontua 15.000,00 euro edo gehiagokoa bada, eskatutako hiru eskaintzen fotokopiak eta, horrekin batera, hautatu den eskaintza ez bada eskaintzarik merkeena, aukeratu izanaren arrazoia.

c) Hala badagokio, deialdi honetan aurkeztutako jarduketa berberak egiteko eskatutako beste laguntza batzuk / beste laguntza batzuen ebazpenak.

9.5. Ekonomia Garapenaren eta Berrikuntzaren Zuzendaritzak laguntzaren eskaeran arduradun gisa identifikatutako harremanetarako pertsonaren helbide elektronikora bidalitako komunikazio guztiei emango die baliozkotasuna erakunde eskatzaileak. Harremanetarako posta elektronikoko kontu gisa soilik onartuko da programaren onuradun moduan agertzen den enpresarena.

9.6. Dirulaguntza eskaera aurkezteak berekin ekarriko du eskatzaileak baimena ematea izapideak egiten dituen organoak zuzenean eskuratu ahal izateko 3. artikuluan adierazten diren inguruabarren egiaztagiriak, eta bereziki, Ogasunarekiko eta Gizarte Segurantzarekiko betebeharrei dagokienez.

10. artikulua. Balorazio irizpideak

Eskaerak baloratzeko, jarraian adierazten diren irizpideak eta puntuazioak erabiliko dira eta, gutxienez, 50 puntu beharko dira proiektuak dirulaguntza jaso ahal izan dezan.

– Lurraldearen berrikuntzan edo deskarbonizazioan laguntzea (0-30).

a) Jarduketak zein berrikuntza motatan kokatzen diren eta haien berrikuntza maila.

b) Bezeroak, merkatua, lehiatzaileak, ekoizkinak, teknologiak eta abar direla eta, negozio estrategiari eta birkokapenari egindako ekarpena.

c) Kudeaketa estrategiari eta lehiatzeko gaitasuna hobetzeari egindako ekarpena; bezeroen zehaztapenei emandako erantzunari, kostu/prezioari eta epeari dagokienez.

d) Zein esparrutan den berritzailea (nazioartean, estatu mailan edo eskualde mailan).

e) Euskadiko espezializazio adimenduneko arloekiko inplikazioa: industria adimenduna, energia garbiena eta osasun pertsonalizatua.

f) Jarduketak karbono-emisio gutxiko ekonomia batean aurrera egiteko duen gaitasuna eta berritasun-maila.

– Jarduketetatik espero diren emaitzak (0-30).

a) Produktu, zerbitzu, prozesu edo enplegu berriak sortzeko espektatibak.

b) Merkataritza ustiapen eta fakturazioaren eraginaren aurreikuspenak Nazioartekotzeari ekarpena egitea.

c) Jarduerak enpresaren deskarbonizazioan eta/edo karbono aztarnaren murrizketan duen eragina

d) Lurraldearen ekonomia sarea dibertsifikatzen eta lurralde mailan orekatzen ekarpena egitea.

– Jarduketetan parte hartzen duten enpresen gaitasun teknikoa eta finantzarioa (0-15).

a) Jarduketetan landutako materialen parte hartzen duten erakundeen esperientzia eta gaitasuna.

b) Jarduketetan eskatutako giza baliabideen egokitzapena.

c) Planteatutako helburu eta jardueri dagokienez aurrekontu koherentea, eta aurrekontuaren finantzaketaren aurreikuspena.

– Aurkeztutako memoriaren kalitatea (0-10).

a) Helburu eta metodologiaren deskribapena, argitasuna (lortzeko planifikatutako ekintzak).

b) Lanen definizioa, gauzatzeko kronograma.

– Kudeaketa aurreratuko jardunbideak (0-10).

a) INNOBIDEAK-Kudeabide programaren doako kudeaketaren erkaketak egitea.

b) Kudeaketa aurreratuko proiektu pilotuak egitea INNOBIDEAK- Kudeabide - 2 A FASEA, barne hartzen dituena autoprestakuntza, saio presentzialak eta aplikazio praktikoko proiektu bat egitea.

c) Kudeaketa hobetzeko jarduera planak abiaraztea.

- d) Enpresa deskarbonizatzeko plan bat abian jartzea.
- e) Enpresako karbono aztarna kalkulatzeko tresnak erabiltzea.
- f) Kudeaketa aurreratuaren/bikaintasunaren edo deskarbonizazioaren aintzatespenak.
- g) Ekoizkinak garatzeko gaitasuna berritu eta aztertzeako sistemak autoebaluatzeako tresnak eta berrikuntza zerbitzuak erabiltzea.
 - Enpresaren konpromisoa trantsizio ekologikoarekin, gizarte erantzukizunarekin, euskararen sustapenarekin eta berdintasunaren sustapenarekin (0-5).

11. artikulua. Ebazpena eta jakinarazpena

11.1. Balorazio batzordeak proposatuta, beharrezko ebazpenak emango ditu organo eskudunak. Ebazpen horiek bitarteko elektronikoen bidez jarriko dira eskatzailearen eskura, eta pertsona fisikoen kasuan, gainera gutun ziurtatu bidez, bat etorri urriaren 1eko 39/2015 Legeak, administrazio publikoen administrazio prozedura erkidearenak, 41. eta 42. artikuluetan xedatutakoarekin.

11.2. Jakinarazitako ebazpen horrek administrazio bidea agortzen du, baina aukerako berraztertzeako errekurtsioa jar dakioke Foru Gobernu Kontseiluari, egintza hau jakinarazi ondorengo egunean hasi eta hilabete igaro baino lehen, Administrazio Publikoen Administrazio Prozedura Erkidearen urriaren 1eko 39/2015 Legearen 123. artikulua xedatzen duenaren arabera. Bestela, zuzenean aurkatu daiteke administrazioarekiko auzietarako dagokion jurisdikzioan, erabakia jakinarazi ondorengo egunean hasi eta bi hilabete igaro baino lehen.

12. artikulua. Emandako laguntza onartzea

12.1. Erakunde onuradunak onarpena aurkeztu behar du edo, hala behar denean, uko egitea, dirulaguntza ematearen jakinarazpena jaso ondorengo hamar egun balioduneko epean, bai egoitza elektronikoa, bai aurrez aurre.

12.2. Baldin prozeduran zehar erakunde onuradunen batek dirulaguntzari uko egiten badio, puntuazio hurrenkerako hurrengo proiektu edo jardunei dirulaguntza adjudikatzea erabaki ahalko du dirulaguntza ematen duen organoak, beste deialdi baten premiarik gabe, baldin eta hala egin badaiteke eta onuradunak uko egiteagatik nahikoa kreditu eragin bada, ezetsitako eskaeraren bati, behintzat, aurre egiteko.

13. artikulua. Dirulaguntza justifikatzea eta ordaintzea

13.1. Onartutako dirulaguntzak ebazpenean nahiz ondorengo puntuetan xedatutako betekizuna eta baldintza guztiak bete ondoren likidatuko dira.

13.2. Dirulaguntzaren lehenengo zatia, hau da, onartutako dirulaguntzaren ehuneko 50, ebazpena onartutakoan eta erakunde onuradunak 12. artikuluan aipatzen den onarpena aurkeztutakoan ordainduko da, justifikatu beharreko aurrerakin gisa.

13.3. Justifikatu beharreko aurrerakin moduan egingo da dirulaguntzaren ordainketa, eta ez da ezarriko emandako funtsen berme araubiderik.

13.4. Arabako Foru Aldundiak dirulaguntzaren gainerako ehuneko 50a ordain dezan eta lehenengo ordainketa justifikatuz eman dezan, alde aurretik onuradunak, 2027ko urriaren 22ra arteko epean (egun hori barne), dirulaguntzaren guztirakoaren frogagiri hauek aurkeztu beharko ditu, bai egoitza elektronikoa, bai aurrez aurre:

- Egindako jarduketak guztien amaierako memoria, helburuen lorpen maila, gogobetetze maila, jarduketak egiteko egutegiaren betetze maila eta diruz lagun daitezkeen kontzeptuen desbideraketak zehaztuz.

- Kanpoko gastuen, ibilgetuko inbertsioen eta barneko gastuen koadroa, bai eta, hala badagokio, diruz lagundutako jardueren diru sarrerena eta/edo finantzaketarena ere.

– Ordainagiriak eta gainerako frogagiri baliokideak. Beste herrialde batzuetako erakundeek egindako fakturak itzulita egongo dira, ingelesez egindakoak izan ezik. Factura-e eta Ef4ktur-en estandarretara egokitu beharko da haien formatua.

– Eskaintza hirukoitza eta arrazoitzeko txostena hautatutako eskaintza ekonomikoki onena ez bada (izandako benetako kanpoko gastua 15.000,00 euroko mugaraino iritsi edo hura gainditzen badu eta eskabidean aurkeztu ez bada).

– Hala badagokio, deialdi honetan aurkeztutako jarduketa berberak egiteko eskatutako beste laguntza batzuk / beste laguntza batzuen ebazpenak, alde aurretik aurkeztu ez badira.

– Egindako gastuen ordainketaren justifikazioa, tipologiaren arabera.

a) Kanpoko gastuaren kasuan, fakturen ordainketa justifikatzeko, dagokion banku transferentzia edo merkataritzako trafiko juridikoan pareko froga balioa duen beste agiriren bat erabiliko da, baldin eta ordaintzailea eta onuraduna, zenbatekoa, ordaintzeko data eta kontzeptua zehazten badira.

b) Diruz lagundutako berrikuntza jarduketei lotutako barne gastuaren kasuan, jarduketetan parte hartzen duten diruz lagundutako pertsonen dedikazio orduak justifikatu beharko dira, arduradunaren adierazpen bidez:

– Erantzukizunpeko adierazpena, Arabako Foru Aldundiaren webgunean eskuragarri dagoen ereduaren araberakoa <https://e-s.araba.eus> eta bertan adierazi beharko da erantsitako fitxategiak jatorrizkoen irudi fidela direla, erakunde eskatzailearen esku daudela eta Arabako Foru Aldundiaren esku jarriko direla, hala eskatzen zaionean.

13.5. Kanpoko profesionalak luzatutako fakturen eta barruko gastuen kasuan, erakunde onuradunak pertsona fisikoen errentaren gaineko zergaren kontura egin behar diren atxikipenen zenbatekoa ordaindu beharko du. Kasu horretan, justifikatu beharreko ordainketaren betebeharra onartuko da, eta Arabako Foru Aldundiaren ardura izango da ordainketa horiek egiaztatu eta dagokion justifikazio txostena ematea, Arabatik kanpoko zerga helbideratzea duten kanpoko profesionalak egindako fakturen kasuan izan ezik. Kasu horretan, onuradunak frogatu beharko du atxikipenak ordaindu direla. Baldin eta, dirulaguntza ordaindu eta gero egiaztatzen bada ez direla sartu egin beharreko atxikipenak, dirulaguntza itzultzeko eta hari dagozkion interesak ordaintzeko eskatuko da.

13.6. Ordainketak arintzeko, unean unerako jarritako epe mugak baino lehenago aurkeztu ahal izango dira eskatutako agiriak.

13.7. Epe horiek igaro eta eskatutako agiriak aurkeztu ez badira, edo aurkeztu beharreko guztia aurkeztu ez bada, dirulaguntza gutxitu edo baliogabe utziko da, kasu bakoitzaren arabera. Salbuespen gisa, epez kanpoko justifikazioak onartu ahal izango dira, dokumentazioa muga egunaren ondorengo hamabost egun naturalen barruan aurkezten bada, eta dirulaguntzari ehuneko 20ko murrizketa aplikatuko zaio azkenean justifikatutako zenbatekoaren gainean.

13.8. Ordainagiriak onartutako gastu osoaren zenbatekora iristen ez badira, dirulaguntzaren zenbatekoa proportzioan berregokituko da, eta dagokion kopurua baliogabe utziko da.

13.9. Ordaindu behar den dirulaguntzaren gutxieneko zenbatekoa, hura onartzean bezala, 1.500,00 eurokoa da.

13.10. Dirulaguntza jaso duten jardueri eragiten dien gorabehera edo aldaketa oro jakinaraziko zaio Ekonomia Garapenaren eta Berrikuntzaren Zerbitzuari, eta behar diren erabakiak hartu eta erakunde onuradunari jakinaraziko dizkio berak. Aldaketak onartu ahal izango dira, onartutako gutzirako gastua muga delarik, hasiera batean diruz lagundutako jarduketetan eta horiei dagokien diru zenbatekoetan, haietakoren bat gauzatu ez izana gorabehera.

Aldaketa horiek Ekonomia Garapenaren eta Berrikuntzaren Zerbitzuaren oniritzia beharko dute.

Funtsezko aldaketak egotekotan, Ekonomia Garapenaren eta Berrikuntzaren Zuzendaritzaren onarpena beharko da.

13.11. Erakunde onuradunek gastuen agiriak aurkeztu ondoren, Ekonomia Garapenaren eta Berrikuntzaren Zerbitzuak in situ egin ahalko ditu bisitak diruz lagundutako jarduerak egiaztatzeko.

14. artikulua. Dirulaguntzen bateragarritasuna

Oinarri orokorrak onesten dituen Diputatuen Kontseilu Foralak abenduaren 10eko 54/2019 Foru Dekretuak hamahirugarren oinarrian ezarritakoa aplikatzekoak izateaz gain, diruz lagundutako jarduketek jaso ditzaketen gainerako laguntzak, edozein dela ere horien izaera eta ematen dituen organoa edo administrazioa, bateragarriak izango dira deialdi honetatik datozenekin, diruz lagundutako gastuaren ehuneko 80raino iritsi arte. Salbuespen izango dira Ekonomia Garapenaren eta Berrikuntzaren Zuzendaritzarenak ez diren Arabako Foru Aldundiaren beste administrazio unitate batzuek emandakoak, bateraezinak izango baitira.

15. artikulua. Garapena

Ekonomia Garapenaren eta Jasangarritasunaren Saileko foru diputatuari eskumena ematen zaio deialdi hau garatzeko, aplikatzeko eta interpretatzeko beharrezko den xedapen oro emateko. Era berean, ahalmena ematen zaio deialdian ezarritako baldintzak ez betetzeagatik bidezkoak diren itzulketak agintzeko

16. artikulua. Deslokalizazioa

Arabako Lurralde Historikoaren Dirulaguntzei buruzko urriaren 19ko 11/2016 Foru Arauaren 43. artikuluan finkatutako egoerak ematen direnean joko da enpresa deslokalizazioa dagoela.

17. artikulua. Publizitatea eta komunikazioa

Erakunde onuradunak diruz lagundutako jarduketak zabaltzeko ekintzarik eginez gero, Arabako Foru Aldundiak emandako finantzaketa eta EGEFek emandako aldi bereko finantzaketa aipatu beharko ditu zabalkunderako baliatutako bitarteko eta materialetan; horrela, bada, erakunde horiek irudi korporatiboa dela-eta ezarritako oharretara egokituko dira.

18. artikulua. Eskaerak egokitzea

Aurkeztutako eskaerak deialdi honetan araututako dirulaguntzak jaso ezin badituzte Ekonomia Garapenaren eta Berrikuntzaren Zuzendaritzak kudeatzen dituen beste laguntza jarduketa batzuetara aldatu ahal izango dira ofizioz.

19. artikulua. Araubide juridikoa

Deialdi honetan ezarritako prozedura Diputatuen Kontseilu Foralak abenduaren 10eko 54/2019 Foru Dekretuaren bidez eta ondoren Diputatuen Kontseiluaren otsailaren 18ko 6/2014 Dekretuak aurreko dekretuari egiten dion aldaketaren bidez onartutako oinarri orokorretan ezarritakoaren mendean dago, hauetan xedatutakoaren aurka ez badago: Arabako Lurralde Historikoaren Dirulaguntzen urriaren 19ko 11/2016 Foru Araua; Dirulaguntzei buruzko azaroaren 17ko 38/2003 Lege Orokorra eta Dirulaguntzei buruzko azaroaren 17ko 38/2003 Legearen Araudia onesten duen uztailaren 21eko 887/2006 Errege Dekretua, nahiz dirulaguntzei buruzko ondorengo gainerako xedapenak.